

二經同卷

清靜心經
集福妙經

退十

太上老君清靜心經

上七減罪
集福經附

退十

老君曰夫道一清一濁一靜一動清靜為本
濁動為末故陽清陰濁陽動陰靜男清女濁
男動女靜降本流末而生萬物清者濁之源
靜者動之基人能清靜天下貴之人神好清
而心擾之人心好靜而欲牽之常能遣其欲
而心自靜澄其心而神自清自然六欲不生
三毒消滅而不能者心未澄欲未遣故也能
遣之者內觀於心心無其心外觀於形形無
其形遠觀於物物無其物三者莫得唯見於

空觀空亦空空無所空既無其無無亦無
湛然常寂寂無其寂無寂寂無俱了無矣欲
安能生欲既不生心自靜矣心既自靜神即
無擾神既無擾常清靜矣既常清靜及會其
道與真道會名爲得道雖名得道實無所得

退十

既無所得強名爲得爲化衆生開方便道

老君曰道所以能得者其在自心自心得道
道不佞得得是自得之道不名爲得故言實
無所得

老君曰道不能得者爲見有心既見有心則

見有身既見其身則見萬物既見萬物則生
貪者既生貪者則生煩惱既生煩惱則生妄
想妄想既生觸情迷惑便歸濁海流浪生死
受地獄苦水與道隔人常清靜則自得道於
是而說偈曰

天尊妙用常眼前 舉體動心皆自然

息箇動心看動處 動處分明無際邊

邊際由來本性空 非觀心照得虛空

自悟因緣無自性 倏然直入紫微宮

宮中宮外光且明 萬法圓中一道平

清心清鏡皎無礙

無礙無心心自在

平等道平無有異

天堂地獄誰安置

神既內寂不虧盈

善惡若空何處生

只為凡夫生異見

強於地上起縱橫

縱橫遮莫千般苦

一一諦觀無字主

退十

二

諦觀無主本無宗

只箇因緣即會中

中間雖會常無會

放會無為任物通

若時有人知是經意行住坐卧若能志心念

誦深心受持則能滅除元量一切宿障諸惡

冤家皆得和合無受苦報邪魔外道道能降

伏告諸衆生欲度厄難各已定出淨信受奉行

太上老君清靜心經

太上老君說上七滅罪集福妙經

爾時

太上老君昔龍漢末劫在須彌山絕頂峯上
與天仙地仙飛仙神仙十方來衆集於頂上
宣說道法以善眼觀瞻南閻无極衆生家家

盡有瘟氣官府口舌破財失職人口死亡之
患尋時召北斗七真訊問天下萬姓盡遭其
事是時北斗七真乃整衣冠端簡向前瞻禮
三拜上奏

老君曰納臣之言萬民不信三寶背正信邪

十惡五逆不解回心向善逐月上七亦無燒
奏懺洗身心保安骨肉是時斗口使者每到
上七抄劄善惡上奏天曹減尅祿壽致令有
此禍害上奏節文與前同善天曹減尅祿壽

老君善哉善哉北斗七真善能奏對利益之

事衆生不知不覺豈懼災危北斗七真可先
爲十大滅罪消災興福助善天尊若善男子
善女人聞此上七妙經供養燒香對聖念誦
者能消開眼合口生身所造罪障業障即隨
聖號消滅一切所作之罪是時

老君即說名曰

貪狼天尊願我宅舍得安寧

巨門天尊願我父母保長生

祿存天尊願我榮業得稱情

文曲天尊願我闔門盡康健

廉貞天尊願我子孫保榮盛
武曲天尊願我衆惡永消滅
破軍天尊願我六畜保興生
輔弼天尊願我疾病得痊癒
三台天尊願我財物不虛耗
華蓋天尊願我橫事永不起

道言凡俗無知上七真聖每月降在人間可
以消災懺罪請福延生隨力章醮福德增崇
其有上七善男善女不信香火此爲輕生迷
本不愧人身天司奪祿減筭如此之人身謝

之後漂諸六趣生禽獸中永失人身上七之
日善男子善女人能修燒香進奏善達天曹
世世身富聰明人中殊勝其有男子女人生
身果薄貧窮縱知上七無力修奉可以酌水
獻華望北斗稽首禮拜念北斗十大天尊及

退十

四

本命真君名號者皆得延生注福繫係人身
災厄蠲消獲福無量福壽增延保安家眷以
今轉經功德先用裝嚴上界諸天十方大聖
國王帝主師尊父母下為今時轉經弟子一
家大小各乞平安次及法界衆生俱離苦源

齊登道果而作誦曰

於是七元君

大聖善通靈

濟度諸厄難

接出苦衆生

若有咨告者

持誦保安寧

盡憑生百福

皆由奉此經

道言說經將畢龍鶴天仙來迎

老君還於玉京是時

老君重告北斗七真曰可以宣揚正教濟度衆生福利無邊同霑上善若善男子善女人

一生恭敬轉念此經信受三十年者天曹有

字地府除名祿盡壽終不居幽界一逕昇天
十王案上永絕姓名是時
北斗七星成道真人再拜
老君流傳在世廣行傳度勿云非人誠慎之

焉

進十

五

太上老君說上七滅罪集福妙經



共上

